

## Muher y bida...

Haci'e un custumber.  
Samina bo pechonan  
tur luna bo mes.  
Esaki ta un manera pa judabo detecta  
cancer di pecho.



Spinozastraat # 9, Oranjestad, Aruba  
Tel: 5820412 / Fax: 5832055

*Na Biblioteca Nacional Aruba diabierna ultimo*

# Cu awa di coco buki di poema di Epico "Ta asina y awor mi ta regla cuenta cu bo" a ser bautisa




ORANJESTAD – Diabierna anochi a tuma lugar e acto oficial di presentacion fenomenal di e buki di poema Epico "Ta asina y awor mi ta regla cuenta cu bo", na Biblioteca Nacional Aruba su cede na Oranjestad. Den presencia di señor Franc Knipscheer di e prestigioso cas editorial in de Knipscheer, e Masterdrummer Kofi Ayivor oriundo di Ghana, Sonfaya 2020 y baile di señora Madi Kelkboom, e autor Munye a tuma e audiencia riba un biaha pa topa nan prome amor y muestra cu e prome amor ey ta simplemente un refleho di e hende cu un dia abo tabata y cu bo por bolbe bira basta cu bo kier.

Sra: Madi Kelkboom a bini dilanti cu su coco y su machete y habri su coco dilanti di tur presente. Mc. Olga Buckley a papia pa Kofi

Ayivor, Desiree Correa Y Mo Mohamed kendenan a bautisa e buki cu e oracion: "Cu e awa di coco aki mi ta purifica e obra aki y creatividad en general". E bautismo tabatin dos dimension, esta Honor y Respet na e adulto y e mucha cu ta e relevo pa di tur artista den futuro.

E yaya di e bautiso tabata: Olinda Rasmijn +Lizi. Madrina: Noris Doran + Gleny, padrino: Arthur Kelly + Greggry. Liza y Celina, e yiunan di Munye y Cecil Oduber a asisti e batayon di comadu y compadu.

Munye a splica cu e hendenan aki ta e awa di coco den su bida. Awa di coco ta identico na plasma den nos sanger. Hasta ta asina cu durante di segundo guerra mundial nan a uza awa di coco pa transfusion di sanger pa e soldatnan



herida. Mientras e bautismo a desaroya e rima "Koko" di Gabi Mercera a resona den Biblioteca y presentenan tur a canta bala "Koko" na un manera masha ameno.

Franc Knipscheer a menciona con facina el a keda cu e manuscrito di Munye cu tabata manera un avalancha di palabra y emocion carga y sublime,

mescos cu oracionnan cu por a yama spirito di e e prome amor.

Presentacion di e poema "Droomrealiteit" tabata simplemente magnifico cu Mo Mohamed riba Flauta y Kofi Ayivor riba un bari boneriano cu yama "Drumi lanta RRRabia" cu ta regalo di Elvis Martis na Munye.

Danki na Des, Gina, Irais y Biblioteca Nacional cu a contribui pa e anochi aki por a bira uno inolvidabel. Wim Rutgers masha danki pa e sugerencia pa e presentacion aki pa Knipscheer. Danki na UNOCA pa e cooperacion pa Kofi Ayivor por tabata aki. Desiree Correa, masha danki pa percursa pa estadia di Kofi Ayivor.

